



830242

抱孫樓艸

寧州劉大紳

元旦

斗覺朝來氣象新，昨宵好雨沐輕塵。
城臨麗日千家曉，門擁晴霞五色勻。
遂有桃花飛紫陌，早聞鶯語試新春。
編詩首載今年草，不寄朝中第一人。

看桃花

小橋流水暮棲鴉，陣陣香風散綺霞。
莫怪劉郎不歸去，悞人一半是桃花。

寄張漢渡先生 正月初七日

抱孫樓艸

人生良友不易得，萬里無由見顏色。
不知君亦夢我否，我今有夢在君側。
良宵月落春山空，醉後携手蓬萊東。
弱水神仙未易數，昂昂野鶴鷄羣中。
君去御風自瀟灑，我歸徒步草堂下。
山中白鹿堪借騎，但恐旁人指作馬。

山口東南看桃花

試問層巔與複涯，尚餘何處不開花。
適逢半嶺雲光漏，正好深谿日影斜。
名士不來休舉酒，美人欲去轉停車。
天孫幾夜裁雲錦，散作春山五色霞。

雨後麗春有花董勿軒至

北風烈草木折戊午人日人鳴咽帝命雨師膏澤
之空中密密颺輕絲階前小草承恩私一點猩紅
上青枝美人適來慰所思不待舉酒愁若遺深樹
流鶯相喚語醉臥花陰小兒女丈夫七尺自俛俛
莫作春冰作春雨

山口橋邊待董勿軒

幾樹垂楊倚夕曛欲將心事問春雲可能不作山
中客南望桃花北望君

同董勿軒赴李氏小山房食江魚飲酒戲作
金鰕灣底春水寒幽人寂寞垂釣竿君從何處舉

把酒樓船

二

網得頓頓鮮魚盛冰盤有魚如何不飲酒有酒無
客負大斗左手持魚右手杯足使鱗螯退居後董
子豪飲如鯨吞我亦春衫餘酒痕太息南鄰一野
老乞食竟叩誰兒門君不見籠中鸚鵡呼婢女閉
門絕客學人語又不見江魚作書與河鯉與若終
身不近餌

張丈惠山茶

老人買花自娛老比鄰小兒苦相惱已將桂樹摧
爲薪何惜山茶不推倒看花日落山中歸一枝惠
我如朝暉盈尺春冰不敢澗桃李待汝相芳菲我

固人間一狂客見花青眼見人白胸中抖然芒角
平欲取金尊酌琥珀

過柯蔭塘山中

世上桃源不易有我逐桃花過山口千溪萬逕那
可窮落日橋邊待小友友家何似汪倫家千尺潭
頭半桃花春水初生酒初熟門前網得新魚鰕十
日相延與未足牽衣苦留不得住青山送客過前
溪笑指垂楊兩三樹

宿孫鳳藻新莊

行盡青山白日暮桃花春水迷歸路一羣麋鹿潛

抱孫樓州

三

深谿幾陣鷓鴣上高樹故人偕隱居前村山靜不
聞鷄犬喧梁鴻夫婦方爲客陶侃賓朋早在門八
門相見笑絕倒欲傾家釀潤枯槁我已沈醉不能
歌中宵夢遊邯鄲道夢中忽忽看桃花南山墓田
啼烏鴉亦有生前好飲客幾人今夜眠酒家

太平天子賜大酺月落荒村尚歡舞人生悲樂安
可憑與君枕上聽田鼓

由新莊至悟一草亭諷勿軒紀事詩

李花亂逐桃花開春風吹入鸚鵡杯一舉十觴不
辭醉仙人洞口相徘徊我向山中晤孫子君歸高

吟草亭裏相思有夢隨彩雲一夜飛渡瓜江水是
時月色清溶溶城中寶馬如游龍擲笛吹笙火樹
下銀花無語門重重羨君詩成如繡虎豈知君心
亦良苦平疇大野生豎冰紛紅駭綠究何補我今
羞作瑞雪詩眼中幾許稱可兒不聞山谷老人語
世上但賞瓊琚詞

新柳歌

春風習習春柳新遲暮美人獨傷春如此腰肢每
見妍不知眉黛爲誰顰靈和殿前千株柳昔日承
恩今再否風流旖旎飛絮前生意輕盈落花後一

抱弄樓卍

四

自羌笛哀艷多旗亭誰付雙鬢歌曉烟漠漠宿雨
重新鶯不語奈愁何

春日招董勿軒飲

桃花洞口倦遊歸紫燕黃鶯繞戶飛顧我祇愁能
事少知君亦厭酒人稀鞦韆影駐春雲散蹋鞠聲
停夜雨微誰向西園續風雅一尊急與醉芳菲
醉後縱觀燈火遂至悟一草亭看月作歌

春城燈火屯彩雲婦女雜還拖錦裙座上賓朋半
醉酒隔院笙歌如不聞縱觀遂至草亭下今夕風
月本無價一輪始出東山東便有清光萬道瀉堦

前隙地餘一灣蒼茫浩瀚烟海間中夜魚龍或曼
衍白波洪浪高連山解醒須飲草亭雪避俗須對
草亭月飲雪胸次皆高寒對月衣襟亦孤潔安能
跳劍兼蹴毬尋橦踏繩相嬉遊但恐明月不可捉
飛上青天雲悠悠青蓮仙人今何在鬪鷄小兒有
光彩紛紛醉魄呼不醒誰能與我叩真宰

飲雪水重歌

對君縹緲之孤月飲君清冷之冰雪讀君恣縱卓
越之文章使我胸中萬古無鬱結龍公行雪如吳
鹽村民未敢輕相拈書生醉後膽氣大盈瓶掃取
藏茅檐月夜垂涎勝醇酒不待旁人勸大斗蟾兔
影落鷓鴣杓散髮狂呼併入口惠玉漿騎茅龍丹
邱仙人安可逢與汝中宵常得此慷慨悲歌動江
水何當酌飲天下人百年不病內熱死

尹氏圍看海棠

山前好鳥如黃鶯相呼相喚求友生山中海棠舊
相識見人依依故有情徘徊欲去不忍去歸來落
日西山橫笑語墻東隱君子我爲看花今出城

懷董勿軒

中林小鳥自成羣南北山頭簇暮雲才向亭前賦

新柳海棠花下又思君

邀友人由尹氏園看海棠至山房看虞美人
吾家麗春當春發綽約佳人對曉月尹氏北園有
海棠一夜紅顏醉入骨與君明日過北園願及遲
暮歸柴門猛雨狂風不相及看花飲酒皆天恩飲
酒須飲花前酒看花莫待酒闌後試看昨日南山
中落紅狼籍一尺厚

再過尹氏園看海棠

北山高高入雲裏俯臨青白二潭水春林夏木相
間生時有飛花落紅紫家居最苦城市喧濃華亦
厭金谷園山花山鳥不擇地每偕好友攜清尊君
家况有海棠樹開向梨花雪深處主人愛客客愛
花醉臥花陰忘歸去一旬九到猶嫌踈不見已是
三日餘安得夢中五色筆一揮十幅烟雲書看花
飲酒本韻事但願遊客畧識字好風不妒名花枝
莫教流鶯故迴避

坐寤一草亭待董勿軒久不見還因成短歌

君不見襄陽耆舊有龐公清明時節上塚去司馬
德操至其家指揮妻孥供食具先生須臾攜友來
就坐歡呼恣飽飫竟忘賓主是何人至今想見嘯

歌處人生骨肉親，弟兄朋友亦得兼。稱名拘拘形迹太瑣屑，何況凶隙崇朝生。君家世交四十載，死友殷勤舊盟在。五色鳳雛飛丹山，千里龍駒出滄海。不嫌老馬腰成瘡，何知病鶴心驚霜。戴笠相將在草莽，彈冠誰與登巖廊。轉瞬君年亦非少，明月沈沈埋光耀。延平津底雙龍飛，歐冶風胡拍手笑。種花栽竹閑殺人，每遭妾婦輕長貧。八十老翁周釣叟，五殺大夫秦勝臣。天下幾人眼不俗，有一知己亦已足。同舟除却崔宗之，李白應愁錦袍辱。與君萬勿臨高峯，與君百石撞洪鐘。天上神仙自落，

抱孫樓卅

七

落人間。兒子何庸庸，今朝獨對海棠樹。宛轉流鶯不肯住，少婦煮酒清且香。不早歸來日欲暮，
宿新田山房同董勿軒孫鳳藻

一夜泉聲枕上落，疑有風雨到小閣。夢中憶及海棠花，紫黛紅顏正娉嫋。簷前鐵馬無時休，忽驚殺氣橫荒陬。盜賊弄兵人如草，終宵不覺雙淚流。虛室光生半山曉，雲青巖丹共縹緲。披衣急起延風光，不獨中庭好花鳥。吾叔真有高人風，全家移入畫圖中。龜息鳥伸却導引，髮如海鶴顏如童。城市紛紛鬪螻螳，強半醉生復夢死。幾人昏黑來山中。

笑殺董子與孫子君不見留侯晚節師赤松玩弄
劉呂如諸傭王侯菹醢丞相辱豐沛何處拔飛龍
一杖烟雲一枕石行樂寸陰及時惜聽松看竹今
有人吾於小阮願爲役

麗春爲風雨所如

不見傾城人栽花得彼美冰雪不摧殘風雨乃敗
毀無鹽入深宮齊女尚嫉視何況姑蘓臺絕色有
西子寧爲妬婦容莫求俗客喜妬婦尚可醫倉庚
達賤理俗客何可當人言而立豕猛雨及狂風均
之俗客耳自非忘情人豈不惜紅紫泥首呼上天

抱孫樓

崇朝狂猛止嫋嫋香風光湛湛甘露水綽約新枝
條芬芳舊萼藥美人如貴嬪粧鏡對結綺慙媿衰
顏翁濁酒自漚醺

張金門董勿軒孫鳳藻皆許來看花竟不見
至排悶賦此待寄三君

嫁女愁無客看花同此心未能強獨酌何可但孤
吟一逕春雲暗盈城夜雨深枝枝飛彩蝶盡上美
人簪

夢周林汲太史感賦兼懷王子文

子文與余
贈答詩林

汲品隴如薪每一
披閱淚淫淫下也

先生古學者於我交以心雖死不間隔夢中猶相
尋衡門繫馴馬茅屋橫素琴撫琴坐前席彈爲梁
父吟鯤鵬息渤海燕雀巢深林小大何足辨相思
昔至今君來浣水瀾君去濟水深棠頭秋水集遺
墨如兼金生死皆萬里老淚沾衣襟

坐董竹溪太史書齋

木棉花底裊晴絲渺渺春江鼓棹遲玉室金庭投
轄處綠文赤字檢書時飲醇先醉有人覺啖蔗漸
佳無客知更欲煩君明月夜瑤琴一曲慰相思

宿錢宅曉聞樹上百鳥聲

抱孫樓州

九

曉樹風和鳥先喜百種聲來紙窻裏呼晴呼雨人
不知枕上相聽慵不起歡娛自得春情多竟似笙
簧愛入耳何爲鸚鵡言語工年年閉置樊籠中

早赴菘豆莊

酒醒春夢短馬上聽晨鷄野燒延山上江雲入樹
低人環甘蔗語鳥背木棉啼秋雨曾三宿前村路
不迷

自婆溪歸同董勿軒坐雙琴山房

五色鳳鸞飢欲死主人不歸淚如水今朝琴鶴還
故山毛羽光輝照百里飼以竹實明月光飲以醴

泉瓊玉漿野鶯出鷄不敢匹梧桐百尺高飛翔主人對之亦起舞夜半懸燈酌鸚鵡杯傾杓注無休期祇少麻姑擘麟脯美人不來中心憂瑤琴彈罷憑高樓忽聽雲中發長嘯神仙已下麟鳳州同是上帝遷謫臣南荒甘作支離人玉樹琪花先後友丹山碧水東西鄰不信人間固有累誰能與汝共游戲蒲葵扇影羅縠衣揮汗淫淫聽鼓吹我欲振衣層巖巔君亦濯足思清泉列子御風自瀟灑大人凌雲何躡躑艸亭山房小隱處儘有藥闌花千樹蒼蠅未出蛙未鳴一夢同入華胥去

抱孫樓詩

漫題

每恠花開時風雨必見妒今午東南歸恍然知其故爲恐看花人受用過常度旣得詩酒歡兼有友朋助功名自鴻毛富貴亦糞土所以天氣和憂疾間佳趣若復身康強便當困道路以此爲乘除天道原不悞吾當順受之行藏安於遇

邀友人看花

看花須及養花天絕代佳人倚鏡前莫待綵雲風散盡高樓追和綠珠篇

友人不來再訂後約

每遇風月佳時時恐相負豈有對名花而不思良
友今日君不來他日當來否待君能來時爲君沽
美酒

牡丹花開邀董勿軒同賦詩

也隨兒女逞風流買得名花傍小樓使酒何能驕
富貴索詩仍未脫窮愁紅顏見妒偏求異白首相
簪亦自羞醉掃金箋差快意仙人可作願同遊

並蒂麗春花

並肩連袂帝王家邢尹風流自不差若教終身不
相見草堂羞殺麗春花

抱孫樓卅

士

花間獨酌賦詩

昨日歸自婆娑時胸中勃勃如有詩偶來俗物一
間之忽覺今朝故詩在大氣盎然塞宇內楮上臺
間不能載磨墨一斗烟雲香煮酒一石琥珀光對
花落筆何清狂上界神仙動見謫海外鸞鳳亦鍛
翻人世何由盡嘉客有詩且向花間吟有酒且向
花間斟有花不語知予心

牡丹行

洛陽花事旣消歇天彭亦號小西京當時中原已
淪沒南人未到曹南城人間尤物不可見姚黃魏

紫空聞名狀元得稱第一種玉樓禁苑齊爭榮天
香一品及三變恨不歐陽同日生佛頭之青更奇
絕春花百種誰抗衡造物功能亦已竭天吳縱觀
心不平下土螻螳豈足數上天何故娛飢餓靈犀
奮勇毒龍怒洪濤一鼓翻長鯨綠壤青疇卷入水
草木非敵難爲勅嗟我不才從事晚春風藍輿花
間行眼中猶見十餘種醉倚酒缸聽黃鶯龜年不
作謫仙去空餘檀板歌新聲白髮歸來守荒徑追
維往事思茂卿花壓闌干只一色羞從臨芳望華
清辟如阿嬌失恩寵長門宮裏無逢迎又如淮陰

降侯日與噲等伍徒自輕幾度吟詩世不識何時
釀酒家能傾百藥仙人下塵世鈞天無計聞韶英
所幸蒼蒼尚憐惜不教風雨來相爭絕色寧惟老
夫喜芳容亦使山妻驚看花十日忘昏曉足賞一
年弄花情可笑柳渾不曉事戎葵持較矜分明

悟一草亭望月

桂樹團團不可攀姮娥獨在廣寒間有人今夜來
相望早放清光出遠山

宿悟一草亭

耿耿何能寐山禽迭報更虛池留月影深樹駐風

聲夜靜村春急
天空野燒明
詩人歸有夢
得句屬誰賡

又二首

城頭曉日透
窻紗徐起亭前一問花
今夜月明如白晝
艸亭不敢臥烟霞

花光人影故依依
月落墻頭星亦稀
不識鴛鴦春睡穩
池塘一陣綠魚飛

江村春曉

村春夜相續
居民已半起
山鳥聞喧呼
盡入幽人耳
最後鷄始鳴
鸚鵡猶夢底
誰家馱鈴語
搖搖度

抱孫樓卮

卮

江水

對酒二首

看花今十日
不語空對酒
花開春雨前
花落春風後

人老似少年
癡情厭寂寞
但願好花開
不願好花落

又二首

和董勿軒將築室於草亭右之作

我讀草堂集神遊草堂西一堂草草耳百代矜品
題驅車古任城城陰覆柳隄酒樓在城下名與秦
岱齊二子旣失意伏處心慘悽寧知千秋後遺址
交輪蹄始信豪傑士物望如雲霓太息梓澤園花
鳥空自迷君希謫仙人亦慕浣花溪志欲蔭千厦
身擇一枝棲草亭有結搆更擬問土主輞川不可
致午橋難攀躋願君室成後開軒對花蹊多栽綠
楊樹春風坐黃鸝好攜清狂客玉斗傾玻璃今宵
且連榻亭畔聽鳴鷄

抱孫漫興

古

邀董勿軒同遊龍珠巖看瀑布二首

胸中無竒詩眼中無竒境安得飛仙人挾我過滄
溟北極窮嶠壺睥睨崑崙頂絲縷縛虹蜺蜃聲走
雷霆上燭天地光下窺日月影龍伯無才能巨靈
失威猛發爲長短歌震驚一世醒此時得所歡此
事不可幸

吾州東北隅坤靈闢高迴懸巖蚌怒開珠光徹峻
嶺兩水飛白龍爪牙肆雄逞銀河天半來欲與匡
廬等醉中曾大呼神恠悉造請不到倏七年畏人

笑酩酊同輩君才多千言一食頃春風盍同遊沈
心發密覈

速友人

飛仙久不到人寰知在蓬萊弱水間若御飈輪相
過問天風未必竟吹還

刈草

闢地滋春蘭開徑種秋菊左有亭亭梧右有瀟瀟
竹中間惟吾廬朝夕是饘粥吾意無他求卽此得
所欲惡草從何來滋蔓幾連屋種類人不知縱橫
竟聚族出入欺衰老跬步礙赤足盛夏蚊蚋生虺

抱孫樓紳

五

虺互倚伏若更姑容之必將中其毒短鎌并長鏡
計較亦已熟阿奴罷火攻芟夷付弱僕半日絕本
根萬古不能續飼馬馬長嘶詎堪比嘉穀供爨婢
唏噓厨中有薪木小兒矜聰明周禮幼曾讀草化
繁良方糞土可並錄鼓掌快老夫從茲豁心目明
知天地寬何忍肆刑戮懼貽香苴羞恐爲蕙風辱
立賦刈草詩春光媚幽獨

憶在曹南看芍藥

柳陰一夕送輕寒曉揭紗窻看藥闌啼鳥不知人
早起聲聲似恐好花殘

倦遊車馬早還家
萬里黃河去路賒
看過牡丹春
欲暮香風吹散米囊花

菊爲土蠶所蝕

抱孫樓州

去

老人筋力衰種菊非容易
枝葉初長成青蔥喜得
地相待秋風來黃華供沈醉
如人有良朋菀枯與
終始何物名土蠶陰姦過魍魎
不慚經綸無偏快
口吻利潛穴傷其根
遑恤是善類寢興爲咨嗟
如斯亦恠事邪正難並容
刑賞在分記汝今一中之
豈可更使二掘土深尺餘
雖巧復何避毅然取其
殘以當尸朝市

梧桐

窟前留得好梧桐
知是何人長養功
葉密漸能遮

赤日枝高終不礙清風吟餘看月微雲外睡罷聽
泉細雨中直木何曾先剪伐全生竟與大樗同

竹溪見過招金門勿軒諸君共飲醉後作歌
飲可八斗客旣醉一石主人亦醉矣主人有酒十
餘石一飲一石必同類前日逃禪長清齋七尺嶮
嶮如東柴今朝忽聞故人至呼奴解醒真詼諧山
中雞豚今已罄菘韭登筵全不稱故人又是天上
來龍肝麟脯飽持贈漢書下之何太癡哀絲毫竹
自一時男子生平重知已少陵太白吾所師持杯
不煩嚇腐鼠哦詩誰能作妄語與君本是貧賤交
縱然富貴可爾汝君家阿咸殊頽唐胸中何止無
侯王鼉作鯨吞小江海阮籍劉伶皆有光座中一
半是狂客張公鬚眉不易得傾古倒今翻水成但
及俗事舉大白我今畏人不出門時汲井泉洗酒
痕愛君清狂尚過我我在山城君江村相思有夢
逐雲去時見君家木棉樹終嫌疊嶂烟霧深夢回
往往迷歸路卽今並坐當酣歌明朝離索將如何
千秋萬歲幾黔首醉鄉睡鄉得孰多

哭李滙川

朋輩原無幾城東又喪君荒村思落月老樹惜殘

雲遺草尚何用易名終有聞千秋推長者樵牧遠
秋墳

聞王又從計

遠聞高蹈者賓客亦相捐一慟爲知己再思疑妄
傳居山培直木飲水絕食泉人鬼心同嫉安能錫
百年

二君吟同張金門

李君旣不貴王君又長貧就令百年在人世何至
見憎軒冕人李君之死喉閉不能語以手搥胸淚
如雨五日之間又復死王君我欲呼天何處所我

抱孫樓州

六

友張君於二君相親有如同母生結交我在十年
後四人自謂眞弟兄自從山東賦歸日長期聚首
膠投漆王君抱道深巖中元豹黃鵠不輕出昨暮
往哭李君時擬攜酒脯看奕棋秋風秋月尚相待
禍福死生誰先知悵望鳥道七十里夏雲茫茫雨
不止素車白馬從何人嗚呼王君長已矣張君有
語聲欲吞死非天仇生天恩與汝不可一日不相
見床頭須置醇醪千萬尊相見卽相飲山中璞石
醉可枕明年二君墳上宿草多人生安見一百二

十稔

端午日出遊隨赴勿軒噉麵座中讀張淵若

詩三首

端居得靜理出門何所營偶然好雨後暫作田間
行嘉禾種已遍隴畝任縱橫計秋得飽食况無羣
盜驚三農國家重工商皆可輕小人不勞力安坐
慚虛名

今日是何日令節端午名田夫餉角黍蛟龍不相
爭絲縷束兒女笑語薰風生地僻少舟楫江水空
自清
昇平既已久無人弔屈平

夙有噉麵約及此同銷憂環堵及肩耳種竹高於

抱孫樓州

九

樓墻外往來客未肯爲少留遂令碧山色不滓清
江流今夕多君子聞聲輒相求張祐有詩卷誦之
輕王侯羣居而飽食何以殊馬牛據梧和新什素
餐聊免羞

寄友人

與汝溪山佚此生升沈久已問君平花開莫使尊
無酒月出須教案有等上界神仙非俗客末流名
士盡虛聲北邙一帶傷心處舊鬼新狐昨夜鳴

李氏小山房看菊六月十六日

積雨迴炎威輕衫卻不御出門憶良友飲酒恕謬

誤花開門常關隔牆聞笑語一叩倒屣迎脫帽甚
箕踞羣芳尚未歇秋華已競吐似向塵囂中先示
作者趣人生寡所合豈不老農圃邵平與陶潛瓜
菊道其庶我亦闢三徑荒涼避要路枝葉頽然委
晚節空自譽飛鴻墮清翼對君愧色舉一醉且勿
辭幽人今何處

立秋後一酒李向宸以菊花相遺

門前車馬阻蒼苔積雨經旬客不來賴有菊隨秋
後至可無詩向酒中裁清風習習陶潛逕涼月悠
悠李白杯百草眼看今爛死爲君懷抱一時開

抱發機師

千

秋

雨過芭蕉夜有聲薜蘿久不易簪纓眼踈竒字蟲
文斷手闢荒園鼠跡橫醉後放歌容此日病中禁
酒卜他生誰逢季主爲相問幾見男兒擁百城

送董勿軒赴試

此事尋常耳何能盡子才但知從降格便可領羣
魁秋老桂無蠹月圓珠有胎看君西北去金馬首
重回

會張金門豆含章哭丈人石並招董勿軒

歲正七日北風冽占恐今年喪明哲大星三月西

南流嫠婦無知盡泣血昨夜東山啼老鳥鬼呼神
顛來城隅人命如草易衰朽丈人石亦遭剗刳偶
語紛籍日三至耳聾聞之謂疑似世上豈有庸妄
人此言毋乃太無理金門含章噩夢同痾瘦荷蕢
非天窮可憐陸沈竟無益甘泉直木生悲風昔我
棄官視敝屣不曾有淚如鉛水人生得失何足言
見此痛哭不能已南山北山青石多豐碑華表森
嵯峨幽谷長留一片石濃烟淡雨牽薜蘿柱折維
崩共工怒當年尚有女媧補丈人一毀那復全未
得粉碎委黃土碧雲院後高復高孝官孝孫如蝟

抱孫樓州

三

毛江南御史好男子更千萬年瞻雲霄寄語董生
同一哭何似良朋墓草宿我今老眼時淫淫百靈
慘淡下空谷

萬飛泉見過偕遊華蓋山

一逕蓬蒿沒馬蹄草堂不似浣花溪尋僧竹院秋
高臥聽鳥叢祠晝亂啼澗底搖搖黃蝶小樓前冉
冉白雲低休言客路登臨倦多少山川待品題

同萬飛泉夜坐雙琴山房

時飛泉將
赴吏部

久客歸來兩鬢蒼 聖朝今日策賢良謝安逸
眞綠絲竹嚴武高情爲草堂薜荔幾枝遲夜月兼

葭三載憶秋霜東行鐵索橋邊過題柱知君老更狂

遲暮赴李氏小山房問菊花值雨
城北逍遙寬大帶城東咫尺却巾車懷人似別三年後種菊能開八月初礙路苔花宜逕掃當門蘭葉不曾鉏秋風竟送西山雨連夜淋漓入草廬

十二日重飲小山房菊花下

昨宵餘興在重向酒邊看不覺詩難稱祇愁菊易殘澹烟黃葉外急雨白雲端未肯匆匆去城中夜禁寬

抱孫樓艸

三

雨後寄李向宸

種菊叢叢興不孤短牆曲逕醉相呼城中昨夜風兼雨未識山房有雨無

川觀巖居亦自清旁風上雨可無情小樓一夜芭蕉響恐有黃花太息聲

晚飯後赴小山房秋花無恙好友咸集列坐清談不及外事月夜歸來道無行人欣喜入夢因賦短章邀諸友共和詩同律體不

必次韻

乾坤貞晚節風雨重孤芳及此同秋月於今正夕

陽加餐如菽粟高枕亦羲皇孺子歸何處從君老
是鄉

趙敬修有約不至戲柬

共有今宵約籬邊眼自青如何明月夜不見老人
星應恐衆皆醉未妨君獨醒似聞叢菊語瘦骨尚
玲瓏

中秋夕對月

青天如水月如珠今夕清光遍海隅未必瓊樓最
先得只疑茅屋獨相須中庭兒女陳瓜果萬里知
交憶酒壚悵恨東南雲一片人間何處覓冰壺

抱孫樓帥

三

中秋夕見雲短歌

海漫漫中央湧出白玉盤雲濛濛青天頃刻失青
瞳玉管金簫寂不發有酒無地對秋月我聞天上
不同科九萬里外清光多仙人著眼最高處下看
浮雲空張羅人間有恨共誰語萬事如雲易齟齬
好風不肯徐徐來問月今宵照何處願借仙人雲
中梯逕上長空傾琉璃醉聽霓裳羽衣曲廣寒宮
殿漫留題短歌闕浮雲缺雨洗青天月如雪一聲
長笛萬山裂把酒中宵叫奇絕

十六夜待月

尚恐青霄月光輝匿遠空看雲濃淡處聽雨有無
中惆悵時憑酒吹噓欲借風羣鴉棲不定疑已到
梧桐

宿李氏小山房

到此慰調飢人將笑我癡一林秋雨後半榻暮雲
特懷屈記前事和陶成小詩山房無客擾有夢在
東籬

悄然幽夢破四壁靜無譁月色臨秋水山光隱菊
花飄零多舊侶縱橫幾名家寄語雲中雁昆明道
路餘

抱孫樓卅

三

雙琴山房對菊

黃花今亦有風雨慰沈淪葉落難借俗枝高不向
人月明宜鶴瘦露冷少猿馴采摘重陽日盤餐未
是貧

竹溪勿軒同飲李氏小山房時竹溪爲署額

四面秋山一色寒涼雲趁雨過雕闌豈緣白月宜
高興早有黃花共晚餐老至不嫌詩思少病中却
訝酒杯寬香光墨妙兼金貴大筆淋漓夜未乾

懷張金門賦寄

一杯秋雨暮雲時四望茫茫憶故知口自宜緘偏

舌在心何可負况身師
熙朝早信無黃祖僻
壤難言少范睢學術權應隱傭保莫教蠻貊識須
眉

詠扶桑花

采罷黃花秋未殘扶桑一樹醉相看神龍乍出鱗
金紫野鶴羣遊頂盡丹海外曾經飛赤日樓前幾
許避金丸鄉園數見無題詠豈識中州得最難

詠瓶中菊花

井泉寒浸菊花香尚帶東籬九日霜紙閣蘆簾同
半月崇蘭幽桂自斜陽飄零竹籜裁爲帽搖落芙
蓉集作裳同是悲秋可憐物非關處士獨清狂

抱孫樓州

壹

義虎祠行

東山何處巢有虎居其間一嘯振林木再嘯傾巖
巒行人白日絕柴門黃昏關畏途近百里不敢輕
相干田家有嫠婦事姑無肥鮮清朝汲井水亭午
樵孱顏近山久秃屑遠岫窮躋攀丁丁婦心痛遙
遙姑眼穿歸及半道上猛虎當其前磨牙不擇肉
勢欲充飢餐一身豈足惜無人爲承歡呼天長痛
哭猛虎摧心肝歛然帖耳去深林窺一斑還家喜
且泣婉轉爲姑言有虎義如此鄰里驚相傳鳩工

飾土木廟貌清且妍
爾獸面目着爾人衣冠
遠人下馬望疑祠
何代賢鄉人語其事再拜還
三歎昨日過城市
祠宇凌蒼烟
神鴉猛如虎
凜凜春生寒
祠虎良有以
勿替千萬年

秋出遊賦

涼雲凍雨欲添衣
腰帶今經減幾圍
梧葉樓高聽雁去
蘋花江冷釣魚歸
身閒亦惜光陰速
性懶徒矜嗜
好稀日暮銜杯成獨醉
東南山色不相違

偶題

少年意氣半消磨
匣劍囊琴自嘯歌
不訝門前故

抱孫樓

美

人少草廬風雨入秋多

夢金門賦寄

人生六十復何爲
萬古窮荒聽所之
去日幾將成黨錮
夢中猶不忘箴規
能行直道愁無地
恐有凶年累此時
爲報桑梓恭敬處
丹雘白稻慰朝飢

夢汪茂源

荒山破屋絕人烟
落葉林間咽石泉
忘却墓門今宿草
與君猶說養生篇

聞金門已歸復去

聞道歸來復遠征
無車無褐過荒城
奄人尚不容

張儉丞相何由愛禰衡復壁著書寬歲月深山泣
玉了平生誰知昨夜悲吟處獨上高樓北斗橫

有以文事相推者賦謝

子雲老矣閉門居寂寞門前長者車忽報循良將
作傳焉知封禪久無書紀功鏤德碑長在繪句締
章錦不如此事端須臺閣手君從何道讓樵漁

紀山谿李老人事

山谿老人如木石彭壽殤天兩不惜草木榮落分
春秋儵忽年紀已過百頭髮蓬亂全未蒼齒牙燦
燦冰雪光赤足卻杖健於鶻深山遠牧牛與羊有

抱孫樓神

三

子皤皤白鬚早林立孫曾亦自好老人顧之時嬉
嬉老人尚健子已老借問生年是何年絳縣甲子
記不全彈丸累累竹筐底試往策之疑爲仙昔作
牧兒甫十歲

本朝聖人始御世阿翁授彈兼

授筐兒得一歲一彈計百六彈丸盈筐中老人戲
弄猶兒童信知仙李盤根大山外耄耄難與同海
上下籌且滿屋何況彈丸一百六當時却有賢蕭
侯遠向山中饋酒肉

將遊

百年心迹學仙翁城北猶存五畝宮闌逕客來黃

菊後登樓人在綠蕉中行尋野老能分穀坐有深
交解注蟲一自羣仙招海上飛輪便欲駕長風

途中

不爲飢寒迫應嫌道路紆晨風過澗水夕月趁星
湖濕谷翻紅葉溫泉種綠蒲流連差可悅行客莫
胡盧

寓東園

園林信宿興悠然不識今居幾洞天此地原如真
佛界前身疑是散神仙瓊林琪樹何曾少鳳脯麟
肝正自鮮月殿霓裳聞昨夜隔牆未許外間傳

種菜歌

抱孫樓神

三

萬里溟雲水土淺迤東西南蓋藏鮮草根木皮充
盤餐甘泉美芹少擇選 帝心軫念無已時特

簡重臣巡撫之彊索原歸舊雨露桑麻重映新旌
旗百靈奉職肅奔走疵癘潛消慶大有雙穗兩歧

盈倉廂朱草紫芝取左右昔也糠覈珍於珠黃鷄
白鷄今有餘父老墻陰共笑語兒童道左相歡呼

邇來七十餘州縣 帝德如天布已遍三年洱

海無波揚五色華山有雲見一朝三殿頌 恩

光詔書飛下金碧鄉孫宏自啟平津閣裴度將開

綠野堂云何東園有埴土竟作尋常種菜圃韭花
摘盡惟知菘筇杖扶來不識蒟當肉食肉皆可啗
拔葵豈必師公儀下民此色不復有中丞此味時
所知願分嘉種與屬吏盡向官衙種隙地他年好
並諸葛公蔓菁同入草木志

道中遇江岷雨太守同年

相思已度七年華忽漫相逢道正賒破帽蹇驢迎
短日高牙大纛擁晴沙原因故舊傾程蓋不是新
知御李車却使人言賢太守田間籍草話桑麻

宿仙人洞

抱孫樓冊

三

福地白雲端爲停紫玉鞍山空人語響潭淨月光
寒羽客今何處癯儒久去官重來前有約好付大
還丹

自昆明歸過悟一草亭看紅葉

高低紅葉樹依舊照尊前艷發清江水輕籠薄暮
烟長途不無此半醉故堪憐記取諸名士樵蕪汲
水年

紀夢

月落城頭鬼亂號不知何處漏迢迢年來定力深
於佛夢裏猶能不折腰

臨界魚石

星雲湖與撫仙通高挂孤帆落日中浴鳥隨波相
上下遊魚得水各西東微鱗自欲分門戶片石何
心辨異同况有咎徵書野史將憑雙鯉問蛟宮

相傳

魚過界
爲兵徵

憶孤山

仙山咫尺不崎嶇塵世方壺竟有諸水底萬年鰲
鼉屨雲中一角蜃吹嘘輕舟及此招孤鶴落日曾
經射大魚昨暮海門橋上望柳黃蘋白晚烟餘

題寧州志後

抱孫樓州

三

井鬼餘光照已周稱名獨襲古寧州晴江分合亦
成字遠岫複單偏似樓梅雪蕙風清不厭雉羹魚
膾遠相求如何前代經三百青史惟傳王聚洲

挽何雲軒

多士爭彈貢禹冠才名君壓五雲端生前邵謁裁
題榜死後方干始拜官海外蟠桃偷不易月中仙
桂斫應難巖廊洞府俱無分寂寂泉臺淚未乾

夢與金門談元

耿耿殘星月到天儒生不肯作神仙自將天下共
憂樂忽向夢中分汞鉛百代英雄都佞佛一時名

士盡看錢君今退步思冲舉弱水三山在目前
再題寧州志後

列宿同分日月光專城五品佩銅章周原自詡臨
三海禹甸人矜布七鄉佛子傳衣多法會仙家辟
穀有竒方紛紛帶犢昇平世龔遂從來未易忘
憶龍泉院紅梅用東坡定惠院海棠詩韻

老去踈慵賦衆木搜索梅花笑所獨荒村斜月無
人踪驢背鶴腰駭塵俗千林香雪新移栽兩樹頽
虬老巖谷七年遠道辭名山一夢芳姿入草屋赤
霄帝女惟餐風絳節仙人不啗肉清寒何礙濃華

抱孫樓

三

殊平淡先教絢爛足半潭秋水爲前身九轉神丹
亦私淑施朱愧爾非童顏叟白噲人祇空腹亂飛
紅雨先春花斜襯綠陰間水竹但似一夔堪藏心
况如雙鳳并在目解教霜雪愁見殘能使雲山恥
稱蜀看花遊客迷元謫種樹幽人逝黃鵠不逢好
手爲寫生安得清歌便度曲夢回月落梅花無靈
羽啣喙只棖觸

漫題

佛界金銀曾布地仙家鷄犬亦升天如何騎鶴揚
州客辛苦腰間十萬纏

楊碧泉吏部屢辱音問孝廉弟元功北上未
及修候賦詩報之

誰能萬里寄雙魚昨日長安有素書一曲秋花開
未厭羣峰明月樂何如談心市上同磨鏡努力田
間自荷鋤仕宦南山多捷徑清貧聞道不殊余
今朝吾弟上公車歸自昆明日已斜折簡未能書
悞字空函誰與附仙槎高標紅葉手章錦俯拾温
泉一粒砂忠愍鄉祠歡讌處停杯若箇不思家

閔耶報知中丞陸朗夫先生入祀鄉賢祠恭

紀二章

抱孫樓

三

叢祠異數藹如春詔下姑蘇俎豆新屬吏曾瞻古
方伯家鄉今識老儒臣生年幾輩稱名宦歿世如
斯是正人遙想兩楹相位置先賢應與范公鄰

我亦鬚眉一丈夫入官人盡謂迂踈先生不惜班
聯隔後輩相推氣骨殊夙臥山林負知己新聞廊
廟重名儒縱橫涕泣巾袖灑埽庭除得去無大紳

初任山東中丞時爲
方伯以有氣骨相目

聞羅碧泉學士訃

燕市淹留不計旬羽聲慷慨已無人爾時文苑儒
林客一代清華侍從臣同輩如君年最少祇今何

處死爲神有無令子承家學風雨淒迷入夢頻

寄景東司馬吳華川同年

我讀漢家循吏傳君居渤海潁川間中朝物望三公選南國風流五馬閑天使文章開六詔帝教禮樂化羣蠻政餘知有新篇什題在千尋無量山
燕市高歌又四春當年臭味本相親應教絕域生還吝重見
熙朝卓異人退食鹿隨驄馬放來游鶴逐彩翬馴吾兄家世清名在嘗罷篋泉休厭貧

讀滇南集題後

抱孫樓州

三

落落乾坤有廢翁生年亦與放翁同入真不俗原宜姪詩本能傳况又窮奉盥奴婢趨大雅勝衣弟子角羣雄劍南集後滇南集留與羣蠻誘瞽聾

次日再題滇南集後

名士真成不直錢高高欲問幾重天宮中自識元才子世上誰憐李謫仙潦倒半生經九死縱橫百代剩千篇如教草野存公論白首郎官已屈賢

出遊

一曲清溪一曲花美人攜手弄烟霞不知今夜眠何處千尺潭頭有酒家

董勿軒築室

其地卽舊宅

齊雲明月有輝光
百代才人一草堂
仰屋著書春雨濕
當軒飲酒夕風涼
卽從舊宅好門第
認取清時新棟梁
弱柳蔽樵千萬樹
山中匠石莫旁皇

寒氈

寒氈一片冷於冰
蕭寺吟唔記昔曾
退老讀書無用處
皂囊猶對短檠燈

老僧

感懷材不遇也

蕭蕭落葉向西風
老住深山小院中
玉板參餘烹野菜
金經繙罷聽秋蟲
蒲團寂坐三更月
磨衲高

抱孫樓艸

三

懸萬壑松忽觸少年遊
俠事南山騎馬射
罷熊

倡女

傷文士無行也

倡家養女惜如珠
初上頭時寵遇殊
新織鴛鴦裁錦被
濃熏蘭麝煖香襦
金尊竹葉傾閨閣
寶馬桃花映路隅
嫁得劉郎年更少
風情還憶阮郎無

棄婦

美君子以道自守也

春閨兒女拗桃枝
棄婦心情舊燕知
織素堂前初月上
采茶山上晚風吹
銀瓶自汲寒泉水
玉鏡空臨遠岫眉
但願新人偕白首
長門賣賦不逢時

東家

慨名士晚節不終也

東家發婦試新粧却扇重聽舊樂章淺黛畫眉殘
月妒濃雲盤髻倦蜂狂定情尚憶橫陳夕同夢初
逢薄倖郎寄問西鄰甘就木可無才貌事姑嫜

詠虞美人花

前山風雪欲來時五色紛綸見幾枝擲筆詩成花
盡放捲簾香燼月初移春光淡沲偏多恨秋雨蕭
森只自悲想見楚人垓下戰帳中起舞有虞姬

後園

墮
曠土多於廬客來席地坐一鳥下風前輕如木葉

抱孫樓卽

壹

潭西草堂相成

於世慚通隱聊爲田舍翁傍溪延水月鑿壁受松
風瓦屋今時尚柴門舊俗同藏書五千卷安坐訓
兒童

夢中遊山寺題句

殘雲一片晚峯西才到橋頭路欲迷遠寺磬聲松
杪落迎人早已過前溪

憶蕭韶亭學使

長松精氣彩鸞姿使節三年井鬼持文藻流傳諸
賅遍詞林清切
九重知高樓玉尺衡文處小

院金杯被酒時重向五華山下過晚風斜日武侯

祠武侯祠

五華山右

四海同年亦偶然於蕭夫子絕相憐塵凡眼界雲泥異磊落胸懷毀譽捐文苑西南惟有李諫官金碧共知錢牽絲東海無殊績姓氏如何許並傳

攜次孫過潭西

孤行懷老友半歲閉衡門忽憶水邊竹閑尋潭上村未能羣鳥獸聊復愛琴尊日短妨遲暮去來從弱孫

憶玉皇閣梅花

抱孫樓押

美

踈枝屢帽憶年年病臥如懷海上仙高閣一層雲澹澹迴廊幾曲月娟娟青山未老從僧共白首多情有鶴憐信是玉皇香案吏今生猶惹御爐烟

憶大雄殿梅花

合近孤山處土堂何年塵劫禮空王於旃檀外自成格似木犀前無隱香清亦人知憐汝瘦高能世出笑僧忙聞鐘竟坐維摩室不要天花作道場

數月前有傳傳明經燦三死者今午舍弟自

校場歸始知其尚在人世喜賦一首

飲餞花朝未一年人間消息竟茫然樓蘭自以功

鳴世箕尾何嘗象在天始信范睢原不死可知梅
福定成仙西郊看試血駒後待汝爲彈冰繭絃

讀始皇本紀

男子誰如魯仲連始皇稱帝紀秦年宮中自數趙
高貴海上空聞徐市仙跋浪大魚愁見射駕橋頑
石猛加鞭張良誤中荆卿死早載轆轤過渭川

讀項羽本紀

烏錐神駿渡江東取代亡秦倚戰功鉅鹿諸侯無
仰視咸陽一炬有重瞳虞姬決不爲人魏亞父惟
知殺沛公若使分羹如漢約季雖天子已烹翁

抱孫樓艸

三

井蛙

盈泥井底自稱尊月落三家郭外村怒目公私均
不辨青天長見小於盆

廁鼠

拖腸知汝上天難又少社公青眼看不信鴟鳶偏
逐臭層雲尚欲嚇鷓鴣

凍蠅

炎威倚藉惱人家癡凍成羣亦可嗟戲海游天羞
似爾矇矓朝日觸窻紗

躁螭

二螭八跪便橫行水族相逢驟怒生竟被魚腸牽
引出醉鄉深處博虛名

抱孫樓州

矣

炎威倚藉惱人家癡凍成羣亦可嗟戲海游天羞
似爾矇矓朝日觸窻紗
躁螭
二螭八跪便橫行水族相逢驟怒生竟被魚腸牽
引出醉鄉深處博虛名

將上華蓋山憶張金門董勿軒

容容盡解溺然灰天賦隱憂無地埋孔北海家誰
作主膠東王宅可憐才清尊冷似貧交去好句踈
於貴客來華蓋山頭春信早幾時相與賦寒梅

賦麗春花

牡丹未放芙蓉落不待春風百媚生占盡人間好
顏色娥眉惟得少傾城

風甚

名花意與美人同宜貯深深翠幙中尚恐仙裙留
不住何來妒婦石尤風

抱孫樓艸

五

聞華蓋山梅花已殘

一樹亭亭月仙人不我招春來餘十日花落是前
宵掃憶雛僧厭興從孤鶴消北山無二里庾嶺共
迢遙

迎春花

花間熱客是卿卿未到春來便遠迎啼倦倉庚三
月暮朱欄紅藥獨多情

從市上買得何首烏九枚輪困離奇百年外
物也喜而賦之

早作衰翁真不堪曾經名岳授瓊函如能石髓分

玉烈豈惜流沙從李聃今夕靈苗驚戶牖幾年神
物護烟嵐山中服食誰堪似枸杞茯苓好共探

憶徐南村太守時已北上

玉梅花放兩三枝裂筍聲中有所思小邑公來惟
屬酒新春吏到只催詩官衙固是嫌疑地杖履相
逢澹蕩時雪片燕山如席大紫貂脫却屬阿誰

獨酌

稱翁五十二年時初熟松醪自酌之怕有貴人憎
使酒幸無生客如成詩傾杯好月如佳士繞座名
花卽艷姬又是黃昏酣卧候何須一枕借龜茲

抱孫樓艸

卽事

逝水年華去不遙甘飴媚竈又今宵兒孫得歲偏
歡喜屈指新年隔七朝

對虞美人作

有花卽美人日夕侍左右北風吹如刀紅顏一夜
瘦李氏小山房黃花已無有悟一草亭中詩人匠
作偶東門何所之歸來盼窮叟

望登樓山偶作

高峯如出九霄間半日飛鳶去不還不識東隅蒙
段後何人呼作解元山

舊志登樓山一名解元山

寄友詩

寄生天地間所樂半朋友道德交爲資不獨在詩
酒結髮交張君倚如左右手磊落天下士病在不
緘口取怨眦睚間避仇返出走鸞鶴悲空山麒麟
泣郊藪千古同酸辛况我與最厚我昔曾牽絲學
爲衆人母姓字通廟堂歌謠在畎畝萬里時相思
老馬靳一趣賜環歸田廬二伐沮溺耦傭春羞梁
前種瓜耻邵後鸞鳥難爲樊大魚未易苟醉後同
呼天病中共搔首固是素心人要之可以久天下
今昇平殺人世豈有 天子矧急賢弓旌逮窮

抱探樓艸

空

叟春燕將營巢河堤欲試柳美人猶遠行我實任
其咎鬱鬱長閉關寒盟畏世詬有司不我知笑我
太株守族黨不我知憫我特老醜盜賊不我知謂
我富詭甄騎我南堵牆窺我北戶牖白日攘我雞
黃昏擾我狗憶昔過楚黔蠻苗競深蹂雙舟泊江
灘羣馬宿巖岫川無鯨鯢驚陸無豹虎吼石矢紛
如雲義能辨良莠豈無衣在笥青衫破兩肘亦有
盈軸詩祇堪覆瓿到今何所甘晚菘及初韭菽
水慙老親糟糠媿拙婦倡和餘篋填酌醉乏瓊玖
世上紛紛人漫無一可否作詩寄張君我輩志不

朽

紀夢

昨夢張君歸乃在北山側問君歸何時如何不我
卽君言乘赤虬東南主大國中多官府無敢有
貪墨坐鎮常從容萬物遍爲德乃知天地心生前
故抑塞古言狐首邱歸骨此山北子視佳城開牛
眠可復得爾時不知悲第看好顏色夢醒鷄未鳴
東方尚昏黑大王公已無自訊祇惶惑夢歌晝悲

抱孫樓

聖

哀夢哭晝飲食夢覺顛倒間無從著人力蒼天誠
則高司命敢溺職豈有如此人不使暫視息自是
思所成非關理難測吾將攜壺尊待君共登陟

十二月二十四日朱敘人書來勸予謀仕卒

寅同以世外相期後四日賦詩二首將分

遺之

昔年曾作荷戈臣遠逮天恩有此身曝背觀

書夸貴客伸腰說夢屬閑人田園儉歲終成業草
木南方早識春東國書來多勸駕何嘗未老便投

綸

曾向仙人得禁方千年暗室夜生光
要令龍子耕瑤草欲乞雲君集錦裳
繫馬鄭虔時作畫種桃潘岳
舊爲郎禹城官道春風過幾度
離愁縮綠楊寅同

時爲禹城教官

除夕

新舊相往來古今成世宙情知不能留
一夕爲歲守却枕張明燈圍坐煮重耐
如人將遠行扳轅惟恐後已逮登車
時牽衣且逗遛於我情旣深其去豈
遂驟市井歡新交君子重故舊守歲
風俗佳古道今尚遺何況今年中春
風競相奏守舊卽逢新應律已太簇
若復棄置之此理無乃謬緩緩迎新
年新年有舊候今年除夕立春

抱孫樓

三

歷城受業朱寧校人校字

西遊草

寧州劉大紳

已未三日將赴昆明迂道甸尾大醉而返
春風吹馬韁遊思忽飛颺朝出西郭門金碧遠相
向却過甸尾城開懷對甕甕沉沉醉鄉中讜語談
將相屋樹鳴春庚山雲聳碧障杳杳將何之遲遲
若祖帳不覺初月光已到几筵上解我五花驤倚
我九節杖辟如遊旣歸此行豈不壯何必昆明池
今夕艤白舫山水懽難窮詩酒興易償仙人固多
情無爲誚踈放

西遊草

至海門橋輿人病不能行

聞苑遙遙隔幾重不禁歸去興偏濃海門橋下界
魚石竟作衡陽迴雁峯

和柯蔭塘勸行元韻

離亭有酒未能酣迴駕重逢舊雨甘世路不妨多
曲逕良宵最好是長談雲屯騏驎駑駘並錦隊鴛
鴦野鷺參自幸子平婚嫁畢從今五岳引飛膠

中丞江曉香先生生日遊太華山旋禱雨龍

湫未獲追陪用陸素圃韻

羣僚劍佩儀容盛小隊旌旗意度閒載鶴買舟遊

別浦採芝却杖入深山不忘膏雨敷諸賤遂有春
雲覆八蠻處士一星空的噪未隨南極上台間

上元夜

霞明雲暗綺樓前一夜春風被管絃但覺燈光如
白晝不知月色在青天新裁淥水高難和半卸紅
粧倦欲眠醉客相攜歸別院碧桃枝上散晨烟

遊妙高寺

古剎山光綠殘陽樹色紅高巖愁駿馬曲路怯衰
翁遊興隨來燕歸心趨去鴻無因成好詠持贈古

湯公

西遊草

二

自昆明歸

雙肩輿上穩如車四面深山白日斜看盡桃花三
百里仙源洞口是吾家

袁蘇亭邀飲酒樓同張少東吳春圃李素軒
人生聚散如雲烟因風舒捲心茫然後會遙遙不
可必別離已是十八年藉使相見如陌路辜負燕
子春風顛徒步相從土橋外太和宮觀談玄元歸
來高樓共一醉酒帘遠颺杏花鮮座中有客盡髡
髻目如電閃口河懸常愁使酒罵四座亦恐論文
驚羣筵我輩相處貴相益不在杯尊徒流連羨君

有眼復有手文章事業期必傳老輩風流宛昨日
照耀金碧佳山川益州原異夜郎大張盛卓立唐
宋允司馬相如見鄉里翻使後生章前賢愧我未
能作弟子東西南北懷丹鉛誓與書成舉大白日
費青銅三百錢

時袁集滇人詩文將以問世

負鹽女

負在背戴在首官鹽如山婦女競走息不敢平康
行不敢馳驟牛羊觸人人卽蹄官給十錢吏取三
四汗滴土中作泥滓飢來但飲路旁水安得使君
清如此

西遊草

三

安寧溫泉

遠尋碧玉泉橫馳黃金勒言近螳螂川洞穴固奇
特轉入闔闔間亭館已逼仄方塘小於盆云惟官
浴得衆僧勦其中汙穢不可測天下第一湯此語
吾惶惑意昔來遊時羣靈亦効職吞吐瓊瑤漿才
人供藻飾今後三百年蚪龍無氣力空述天竺語
難具八功德未知華清宮持較可生色安得萬里
流濯足賦湜湜

過永安橋

過橋爲響水關橋上書楊升菴采
蘭引

躍馬橫刀氣不平永安橋下客心驚雲封樹杪愁

無路水過關前聽有聲衰老猶餘題柱興狂歌欲
續采蘭行春風落日徘徊處想見遙遙異代情

至楚雄宿豆含章訓導官舍

昔年意氣凌九州時時醉臥元龍樓倚郭山光隱
深樹當窻月色懸清秋今年老作開南遊泮宮一
夕爲君留雁塔山月自瀟灑長憶句尾城上頭

贈吳耳山訓導

一曲龍泉春水深滿城桃李覆春陰仙人掌上金
盤少莫爲求仙累此心

楚雄城內仙人掌彌望皆
是

兩過石澗踏新泥夾路垂楊樹影低欲贈一詩吟

西遊草

四

不就畫眉聲裏夕陽西

過祇園寺

一院風鈴語尋僧祇樹園松高迷鶴語池涸剩魚
痕已少黃金布空餘白業存武鄉遺廟近吾欲詣
侯門

小住道旁佛寺

細草繁花不識春勞勞我亦飽風塵停鞍偶據胡
床座笑數橋頭騎馬人

學長公足馬上續殘夢韻

馬上續殘夢夢回天未明星光入水白風氣出林

清香杳迷荒堦遙遙辨遠城馳驅宜薄祿何事又
西征

鸚鵡關

鸚鵡關前籠鸚鵡四品武官不騎馬坐者起立騎
者下騎不下鞭血流赭行人哀訴淚如雨黃草壩
前怯如鼠竄伏草間不敢語昔日何懦今何武

金鷄廟塘雙松

風色冥冥雨氣濕雙松比肩如人立根蟠厚地枝
撐天過客有駒不敢繫老兵開門當樹旁醉中臥
見蛟龍翔野鶴巢顛哺衆雛百靈呵護禁斧戕匠
石信宿不一顧百蠻得之無用處山前萬樹皆孫
曾早作人間棟梁去

雲南驛

汲水愁泉苦耕田望雨甘荒原三十里人喚小雲
南

青華洞

重重洞底似曾來舊額青華劃綠苔若使漢家能
到此建章千戶不須開

鹿放山中故自馴銅牌誰與篆宜春仙家車馬多
珍重爲問如今可借人

漢時有神鹿見於此地

見月

離家初見月團圓獨向丹巖赤水看却勝居庸關
上望一聲雁過碧天寒

過定西嶺

原名昆彌山西平侯易今名

勒銘誰復似燕然前代英風並嶺傳侯自北來定
蠻僕客從西去問山川千重翠靄鶯聲外萬井微
萍馬足前樓閣高寒難久立行程遙認點蒼烟

飛來寺

爲看名山遠道來蕭條僕馬此登臺誰人置酒能

留客

用遠公不置酒事

幾輩題詩只費才千佛祇今真見

西遊草

六

在一峯何必不飛回西望積雪如羣玉且喜愁懷
得暫開

至太和龍尾關晤故人何以亭於鎖水閣

點蒼山下駐征鞍回首西林入夢難舊事重談驚
寂寞故人相見喜平安卅年君尚青衫老一世誰
能白眼看楊子閣中元草在潮州先與挽狂瀾

太和道中寄張金門董勿軒

九州之外復九州梁州中國九州之一耳而况雲
南梁州屬毋乃人面著黑子迤東迤西兼迤南比
於鼎足各分峙我今迤南昔迤東迤西如隔幾萬

里生平未到碧鷄關亦是人間一憾事龍眠故人
江西來邀我開南讀文史一馬載書一馬騎一僕
蕭然負行李望門自耐關吏辱投寺却遭野僧鄙
但教山水逢知音何必道路平於砥安南關前風
色開直上白巖到天止紆廻竟過葉榆城點蒼峯
頭蠹霄起山腰縱爾無白雲積雪如斯亦足矣惜
哉山林朋友福難兼使我長懷董子與張子

至太和縣署贈桂未谷明府

萬里南留雪爪痕客來如到古邱園栽花自愛衙
齋僻問字人知几席尊名士風流今未遠窮官氣
味老猶存相尋只續遊山記急典衣裳治酒樽

瞻楊升菴先生遺像題後

議禮何人集上臺東華哭罷極南來簪花擁妓神
仙骨縱酒狂歌宰相才生得中谿堪作主死求太
白可同埋先生自愛名山老不是君王不放回

小書畫舫對點蒼山

耳食笙簧夢底來如聽天樂到高臺小書畫舫無
殘客獨看蒼山又一回

登蒼山勝概樓

昔年我到任城上上有太白之高樓玉貌錦衣自

瀟灑金龜換酒爲少留四明狂客不復見謫仙人
物誰同舟岳陽黃鶴雄荒陬不如太白樓上消百
憂今年忽作點蒼山下客有梯百尺人三休平眺
峯頭萬古雪倒窺半月西洱流西南勝概此第一
杖履幾人曾來遊新都才子如李侯夜郎不赦金
齒投中谿先生老不出二十四載營菟裘建極洪
鐘共撞擊驚醒一世生蜉蝣鶴去松枯世代改空
餘高塔烟嵐稠曲阜未谷老作令客來載酒相優
游所惜窮官四壁立空囊檢點先自羞安得爲我
遠致百斛酒使我一日一回醉上頭不如歸去夢
中乘紫虬飄忽三島還十洲酒債不典腰魚酬鳴
呼龜茲枕上真良謀

登浩然閣瞰洱水

半規明月墮青霄萬井人家影動搖六詔興亡隨
逝水百年叛服憶前朝一登高閣舒長嘯重卷雄
關入怒濤別浦眠鷗真自在乖龍負氣總潛逃

蒼山廟古松

落落千年松亭亭絕依傍細枝交龍蛇其勢亦倔
彊南詔宮室多未敢量尺丈古廟空山中天風自
震蕩

登龍泉峯至鳳眼洞過捨身巖息仙人床上
蒼山十九峯峯續不斷一石中怒分有如目眈
眈羣生小且盲鳳凰不炫亂鬼怪窮羅刹與亡判
蒙段紛紛山下人無爲自羈絆

竟到懸巖巔人馬兩無恙雲過千山搖風吹萬壑

王此處非人間

五字錦巖間

亦復非天上捨身吾不能

高臥尚無妨千金不垂堂吾年况非壯

白海棠

華清洗褪舊燕支宮女三千目不移霧縠冰綃清

似水玉人獨臥月明時

西遊草

九

小書畫舫醉臥偶成

醉臥茅廬似放船曲欄淺沼亦悠然墻邊莫種垂

楊樹盡送青山到枕邊

宿橋頭

客店盡燬於火

祝融張虐焰過客止誰門馬廐移床近蠻人避席
喧誅求方自急吏卒舊能尊寡婦休相訴吾

君有特恩

由彌渡至彌止山中作

上看青冥合旁窺颺颺鄰山纔容止馬風欲墜行
人落日無飛鳥深灘有躡鱗不商兼不仕來此豈

前因

見木棉花憶董竹溪及勿軒

去年同醉故人家一曲清江擁白沙
天半朱霞望不見平洲今有木棉花

石洞寺

流水桃花不悞人青山白屋自成鄰
不應輸與金仙住却向蒼茫去問津

西遊草

十

初至景東郡齋

何意二千里來登君子堂
泉如春雨驟山作夏雲忙
半醉崇蘭發徐行老樹香
不因聞鼓角仕隱兩俱忘

郡齋

翛然同小謝身在郡齋間
花底羣蜂寂池邊一鷺閑
如僧初退院似客久歸山
杜宇偏多事聲聲促早還

布穀鳴

布穀鳴天未明百鳥無聲農人心驚耒耜縱橫牛
不得耕布穀布穀爾獨何苦四年春書不雨三年
冬書不雨勸農使者前月來白酒青羊祭田祖神
醉止使者舞綠楊下黃鸝語

至開南書院次日作

國家重守令教養固其職俗吏無譏焉一丁目不
識儒生讀萬卷經術弗以飾如己肉糜厭人乃不
朝食古人方窮居斯道恥獨得芸芸吾赤子何論
爨與燹堂堂延陵君人師無愧色自顧荒落人撫
躬長太息

西遊草

土

君子揚德音和風被萬有玉屏秀以峙中川清而
瀏山水佳氣多當曉入戶牖早起立庭除感懷曷
速朽昔賢藏遺書津逮及二酉縹緗度高閣毋乃
愧尚友此邦於吾南固是人物藪好語二三子公
德不可負

龍泉寺訪趙來軒

小橋曲逕隔清溪問道初來路欲迷樹影斜時山
鳥亂泉聲盡處野雲低高文大國推牛耳妙緒真
人迹馬蹄咫尺城南歸去晚輕烟漠漠草萋萋
夢過甸尾訪張金門李向宸

昨宵過甸尾故人猶未歸春風吹燕子翩翩雙羽
衣君自避仇去我亦輕相違鴻冥弋何簾君子先
知幾胡爲隔千里不得同雙飛東鄰李氏子夢中
見亦稀黃花向秋瘦白魚先春肥悲哀觸歡樂爲
我歌式微歌罷淚沾臆曉月來簾幃山鳥後人覺
今昔誰是非

贈馬教授同年

馬子目光可以燭千古胡爲紛紛藉藉竟無睹馬
子意氣可以橫九州不能拄杖咫尺城市遊二十
九年不相見長安逐日走雷電玉皇雉尾宮扇開

西遊草

三

承恩先上通明殿九重一夜罡風吹鵬飛無力雙
翅垂螻蟻烏鳶各自喜苦心祇有鷓鴣知羲軒求
賢子應詔博取冷官世所笑逢迎熱客眸子橫分
刊節度極幻眇可憐老眼過分明一心兩目都不
盲白月宜遭蟾蜍食青天未免雲霧生驚喜故人
得合併暗中摸索冰雪淨我亦微茫不辨人對面
九疑又何病子爲我婆娑我爲子高歌世上不盲
人儘多魚目珉珠是珠玉鸞鳳鴟鴞同網羅千眼
萬眼共一色不如瞋臣之眼獨墨墨耳聾重聽尚
不妨目盲不視計更得

同姚際菴登玉屏山頂

山下看山畫相似登山人亦入畫裏初出樵徑如
螺旋漸到峯巔作雲止雲止雲行隨天風我今已
在蓬壺中下看飛鳥墜平地遠望牧馬懸虛空回
首寒泉落崖下亂石罅中自飛灑近山仙人不種
田空學銀河一道瀉仰天長嘯聲不休姚家老子
知我愁待與天仙拚一醉問誰破產營高樓

酬吳華川司馬夏都尉席上見贈之作

君不見籠中鸚鵡巧言語繡幙香閨媚兒女又不
見池上鷓鴣飛不還漠漠水田逐伴侶十年治譜

西遊草

三

留江西蹕蹕文馬過五溪北關終能寄鎖鑰南人
自是望雲霓冗長官銜豈足道上郡黍苗待雨膏
鳴絃歌雅風流存帶犢佩牛習俗埽戍臣歸來空
負薪釣竿未展新經綸卯君同是前進士老夫今
已不如人揮塵擁比亦何易營蒯葑菲忍遺棄二
千里路真迂廻玉屏山麓勉從事臨邛貴客非相
如侯門曳袖飄輕裾座上無端聽鳥語低頭一笑
傾百壺貧賤驕人大可恥天子求賢逮海市
吾將歸語鄉先生吾輩今年可仕矣

題羅孝廉象坤詩卷

偷得江東已自誇如君何處置劉義題無妄設真
能事語不雷同是作家高格盧王追正始清詞温
李遜才華名詩一卷千回讀碧玉屏風散彩霞

和吳華川司馬白鷗篇

昨朝放白鷗今夕籠白鷗羈縻不釋意累累形詩
篇太潔亦自悞何況毛羽斑拙哉鷗鶴鳥尚欲矜
能言我固憂患餘誦詩時循環孔雀依牛走野鷺
爭鷄樊空懷鵠比翼有類羊觸藩幸生盛明
世魚鳥皆寬閑天地甚廣大豈復於汝偏中宵各
有夢同在泉石間司馬固瀟灑感此愁心顏待著

西遊草

十四

白鶴肇同汝歸故山

和華川孔雀行

纔見馴雉伏桑下又聞孔雀辭深山金翠羽毛自
愛惜來遊君困忘飛還君客無衡賦鸚鵡君才如
李歌白鷗黃鶴樓前格調好赤霄行外思力孱學
優倚馬吏非俗澤及文禽官不瘞似我雄飛鍛六
翮鶴行鷺序慚清班吹簫仙人縱有約安能挾策
趨秦關孔雀孔雀不可致盟鷗海上同賦閑神仙傳蕭

史吹簫
致孔雀

夢題桃花秋海棠畫扇

記得猩紅作意飛，蜜蜂無力帶香歸。不知今夕秋
花早，猶著春風舊舞衣。

閒間吟

兩和華川新詩一頓倒，押閒閒字一遺閒。
字戲爲閒閒引。

六書閒字與閒字書同名，異爲師患判閒。从日閒
從月訓蒙，分在鈞掠閒。从月从門會其意，从日毋
乃稍愚頑。又欲从木易，差別求之於詩，得閑閑其
實旣閑，乃正義止妨習闌，均難刪鄉村學究作解
事。一書數名夫何艱，况有閒字入諫韻平仄部分。

西遊章

五

愈難好自古，通人只從月誰憐。西翟並南蠻，我今
眼花易舛誤。一誤再誤真不嫻，顛之倒之匪公命。
避難就易相躋攀，胡爲趁韻復脫字。毋乃才力都
弱孱，豈知我老安寬閒。但見閒字便意滿，不能再
到樊籠間。廻首一官學奔走十年海岱頭，爲願燕
山有雪大於海。聖人賜入居庸關，歸向山房
種花竹。鴻恩感激涕潛潛，開南忽作遠遊計。
閒雲野鳥忘飛還，君璞是玉我璞鼠芒鞋珠履難。
同班辟如鳧鷖空，嗟嗟何似鳳鸞時。翺翺今午戲
爲閒閒引博君一笑，開心顏。

同遊御筆山老子殿分韻得有字修字

讀書懷前人前人亦何有萬古空茫茫登樓付杯
酒天風吹白雲滃然入戶牖舉袖攜之歸不嫌露
兩肘迴睨蒙樂山高高若無偶南岳僭一時蒙段
已速朽人壽期百年空逐白日走今日須盡歡無
負此大斗

長松作怒浪薄暮來高樓老翁膽氣怯疑坐東海
舟停杯入深谷浪定風亦休溪聲響碎玉到耳何
悠悠乃知石隱人一瓢尚不留馳逐萬人海得毋
慚媿修有酒且復飲無貽山靈羞

西遊草

六

遊御筆山歸戲東華川

東風昨夜去如馳拄杖登山又一時澗水清從高
屋下溪雲低向遠峯移龍鱗樹色當窻老牛背歌
聲度嶺遲一事報君君莫笑座中有客盡能詩

送人赴軍中

少年意氣薄雲霄夜夜腰間佩寶刀不信老來無
用處輸君長劍倚天高
百戰馬氣爲虹羽箭瑯戈早建功殺賊今年如
殺草歸來談笑覓侯封

采蘭行送王玉汝赴昆明

愁思倏而至莠蘭入空谷一夜香風吹飛散五華
麓中有素心人采之恨不速九畹誣萑蓀蕭艾溷
薰沐美人不可見孰適媚幽獨

和華川過書院見菊有贈

久住深山中烟雨自種菊愛此凌霜姿不屑附炎
煥九月寒蛩鳴百花謝深谷籬下攜酒尊悠然遠
塵俗豈謂今夏初一枝早在目有似襍穢人叩門
熱相觸亦如充隱君終南提徑孰自顧情何堪君
來嗜所獨云是高尚風林泉享清福長官憂民憂
中宵待雲族太息驅馬歸鸚鳥集叢木

西遊草

七

閱環書屋留飲

謝郡清談候蕭齋小飲時詩成花氣重酒盡雨聲
遲瘴癘消何處炎威到不知歸看山路近廐馬借
人騎

喜雨二首爲華川司馬賦

今年春不雨去年冬無雪深山高臥人亦已苦炎
熱乖龍何心肝愚頑竟如鐵敢逆雷公鞭忍流左
耳血一夜天河漏早魃影消滅長官語老農不憂
田龜坼

旣雨雲復連東郊揚飛旆農夫喜好雨先到公田

內婦孺聲歡騰不嫌語瑣碎今年定有秋免與饑
饑會信知天非慳恩澤沛無外假如人司此安能
爾許大

聽雨分得爲字

雨聲來旱歲不聽復何爲高枕驚前夢新愁減小
詩溪風初靜處澗水欲鳴時回首望雲日空中半
信疑

爲諸生向吳司馬乞山泉

泉流活活到山城餘瀝長勞入夜爭伐竹修筒分
膏澤穿雲落澗作人情當檐瀑布飛無迹倚枕甘

西遊草

六

寐聽有聲好並環階添韻事青衿百感一時平

過訪羅孝廉象坤村中留飲楊廣文先生及
令兄在座李孝廉同至而去

細雨濛濛濕烟樹司馬翩翩向北去白頭揖客稠
人中複道重崗目盡處前村石路愁蒼苔欲去不
去重徘徊繫馬橋邊綠楊樹入門索飲桑落杯孝
廉從容作弔客留飲牽衣不可得皤皤祭酒黃髮
翁飛騎來前快肝膈一斗不語亦不歌五斗一石
顏微駐醉人熙熙豈足數仰天大笑今如何君家
昆季脫俗態意氣軒軒出行輩殺鷄市脯沽香醪

酒後狂言必我貸我於經術如虛車平生頗讀濂
閩書白晝黃金不忍攫歸來但閉衡門居當日狂
奴恥人後大野麒麟負氣走一時官職如飛灰空
有姓名落人口似君貴顯宜三公不然側足諫臺
中列宿郎官太猥瑣望塵再拜車前風語多酒盡
且更酤莫待殷勤酌大戶請看生前長醉人三尺
墳旁是乾土

郡齋池中舊荷已謝新荷未敷擬留一宿不
果次早司馬遣人送叢蘭至爲詩以報

碧玉甃方池山泉灑灑注中有芙蓉花不恨采無

西遊草

九

路雨後傷零落空惜顏色故主人今陳蕃留宿待
曉露策馬歸山中有愧古徐孺

清晨飛騎來筠筐置香草苦苣難傾奪不在顏色
好服媚琴鶴間故人素所寶遠行在今日遺我開
懷抱九畹誰滋培一室且勤掃

留羅孝廉宿山中

作客相知少山中喜見過熏風吹短榻落日赴清
歌豪氣衰時減狂言醉後多不堪今夜雨布被宿

巖阿

五日宴荷花池上

擬向江潭續遠遊
龍舟前繫采蓮舟
贈郎自說吳兒怨
去國難消楚客憂
細雨蒲觴高閣外
踈烟菱鏡曲池頭
招魂好與如泥醉
欲襲荷衣待晚秋

寄華川大理

君到點蒼纔幾日
相思不暇問歸期
登山定在朝烟後
看雪多從夕月時
尚有何人能贈石
更餘他處可題詩
昨朝風雨高齋過
碧藕花開已半池

問趙來軒疾時余亦病臥

茂樹清流暑不勝
夕陽樓上客頻登
高飛迴野真輸鶴
寂坐深山久讓僧
新月微螢同薄簟
幽泉細

西遊草

三

雨共踈燈聞君亦閉空齋臥
舊病新愁可最能

過李孝廉書館不入次日戲柬

雲騎如飛不着塵
過門却似角生輪
聞君慣作良媒語
莫負江濤拾翠人

答羅象坤孝廉五日見憶

昨聽采蓮憶楚水
無地投詩弔屈子
大夫不飲醒千年
我獨何爲醉欲死
君坐羣兒分色絲
纏綿角黍蛟龍知
雨後自搖白羽扇
菖蒲酒泛熏風吹
今日袖中出好賦
如向清江觀競渡
君今不妨能文辭
同列更無上官怒

看雲

指點巫山遠常愁朱玉啞杖藜新病後掃榻宿醒
時落日思親暮衰年慰友遲相看無留意不是愛
雲奇

看雲短歌

青山倦遊處白晝長臥時此心久不愜扶杖聽所
之東南遠巖岫蒼茫天下垂樓閣千萬丈風林見
參差羽衣垂絳節飄忽乘蛟螭風伯自變幻初不
關雲師此山與北閣體段相等夷一朝得憑藉勢
豈爭凌欺輪困不終日嵯峨還自危古人於富貴
到眼輕若斯雲中古仙客六疾真能醫如何匿深
谷不到人間爲

坐菊河橋上

暫辭縹緲白雲端甘菊溪邊倦倚闌細沫濺衣水
氣濕清流激石雪花寒車輪引水相春易閑道回
風久坐難共識尋源無百里潭頭待試味魚餐

同李孝廉登奎閣

故里尊鱸亦未期相從默默倚窻時羣山排雨來
高閣一水穿雲過短籬柳樹鳴蟬秋氣遠花叢宿
蝶午陰移登樓作賦非王粲儘有閒愁到兩眉

邊雲下爲荒陬此輩安能萬里寄誅求法令交相
加如以飢狐餓虎餒狼子在野心難馴不德何鹿
不走避知古李旣絕姚雋朝王昱亦貪蒙舍利國
小衆分聽指揮以一並五制不易可憐宗女歸南
蠻龜茲樂部遠頒賜敬義黎未還虔陀張張上位
貪淫太縱恣飲酖難酬君王恩辱國空貽將率媿
當年若省楊羅顛何至中官賈竒俊逞魑魅鮮于
仲通何人哉甫薄白厓敵已備軍將儉魏段虓虎
如天運王空作點蒼次西洱河邊金鼓衰八萬唐
兵剩有二胡顏遁去生見人請看吐蕃正得意南

西遊草

三

國大詔兄弟邦金印煌煌號東帝冠帶珂貝駝馬
牛倚祥樂進捧冊至鳳子大將有告身贊普鍾且
改元志遂令李密何履光再將十道重兵棄軍忌
深入猶不知一遁一沉並可詈竟築京觀龍尾關
二十餘萬國殤荷是時君王方色荒沈香亭畔艷
妻醉宰相掩敗仍敘功在朝文武半諧媚南蠻拍
手笑不休德化豐碑蹲蟲屢其心自望唐使來其
言深荷吐蕃庇官寮寵幸都尋常盡載碑陰發長
喟降人鄭回甘撰文流寓御史乃作字是爲天寶
十有三明載天子幸蜀地我聞碑史言戰時關邏

姚際菴邀同趙來軒重上御筆山老君殿

山前流水何忽忽山上白雲遮佛宮畏熱重來趁
曉露穿林過澗生清風趙叟提攜着蠟屐姚叟壺
尊笑相逆山僧此時亦在山自煮清泉佐款客何
人種得松千株高枝巢鶴低巢鳥未及十年宿鸞
鳳苦心莫教螻蟻枯低日落日不能住躑躅春風
詠歸處松聲溪聲兩不分山水潺潺送客去

司馬自太和歸留酌蓮花池畔

好風吹遍芙蓉池遠遊人賦歸來時池上開筵日
未午奚囊倒底傾新詩旨遠詞深讀始悟是得蒼

西遊草

三

山洱海助正風變雅相後先毛鄭功臣待訓故忽
然動色思真人南雲持節光彩新移得銅山勝金
碧九重拜舞臯夔臣顧此正似習池好醉後山翁
每傾倒金風玉露誰主賓花落花開尚未了明朝
我亦還故鄉人生會合原無常不及蓮舟采蓮子
欲知蓮味看蓮房

南詔碑歌

開元宰相魏公逝金鑑千秋瓦礫視天寶宰相楊
國忠不恤唐家帝業墜御史太守皆重官何況堂
堂節度使辨明賄入權門中未夕龍光已立致南

鳳妃術怪異閣陂和尚鳳其昆一朝千里忘險陂
煌煌天朝十萬兵維彼妖人殲其類固知此語荒
唐多干羽兩階有往事白衣山人亦吾師招撫吐
蕃斷右臂蜀中鎮撫兼得人鐸稍鬱又納天吏頭
盤跳脫金銀光樂部歌姬老猶侍足明向背當日
心憂國有人定殞淚惜哉一叛四十年封岳祀瀆
已僭擬太和門外望殘碑欲攬天威逕前轡天子
須聖宰相賢其次以謀或以智前有李泌後韋皋
高駘繼之快人意不見貞觀細奴邏刺史錦袍早
在筭

西遊草

四

同遊圓通寺

靜處閑情多胡爲騁遠眺長路馳驩騶爭道市人
笑透衫汗如雨日光逼野燒已到寺門前不知景
物饒尋僧強命酒待與說微妙忽見長青松脩筠
伴絕嶠二物皆竒尤對之足舒嘯人情賤所有厨
竈佐薪療瓜豆亦何珍棚架供縈繞感此增唏噓
藏身貴窳窳歸途避醉客吾今未大醜

待羅孝廉不至

傳杯無曲水結蓋有浮雲隔嶺聞人語相迎不是
君

山泉不至

不見山泉到草堂
淋漓汗雨濕衣裳
螢穿細竹空殘月
蟬度疏槐自夕陽
流向誰家消暑熱
聲從何地作秋涼
神仙符篆能相借
好送愁人入醉鄉

山泉至

山中暑氣斗然清
裊裊竿頭碎玉聲
已向杯前聽欲倦
還疑枕畔夢初成
分來瀑布將何似
剪得銀灣更有情
傳語龍公休穩睡
爲添好雨到茅櫺

龍潭

菊河源

客言菊河源頭水
萬丈深潭不見底
沉沉黑氣龍

西遊草

壹

公家卵育千年到
孫子大者氣象稍崢嶸
小者頭角均未成
巨口細鱗味甘美
土人以魚相稱名天氣
晴明乍施網作膾調羹
可遺餉誰知怒觸龍
心肝殺氣陰森厲
兵仗雷公擊鼓排雲將
馳驅電母天流光
羊車雨雹大如椀
人顛馬蹶無處藏

嘉穀於今正苦旱
處處官司束

手歎此中異物如有神
何不雲雷下土散
高巖擁峙穿雲根
前臨巖業三重門
慣抱明珠嗜渴睡
甘霖不到荒鄉村
我欲長繩繫虎骨
投入齋淪動巢

窟坐持酒麟相歡呼飽看魚龍互出没

分泉引

山水如中人良醫未易理上智諱言疾悠悠與終始我家草堂前清沈一潭水灌園已抱甕鑿池尚畜鯉菱芡雜藕花爛漫深山裏今年遠行役居停適於此旦暮烟嵐濃屏風玉色珉門外古井深爭汲雜僕婢覓泉下山麓白虹觸天起賢侯不啻人廉讓惠多士陶侃無胡奴杜陵有豎子裂餅餉赤目筋力供驅使接竹青雲間穿溝綠樹底聲喧風雨大味甘酒醴美恨不炎熱時傾聽臥床第侯作

西遊草

美

寇君借栽蓮華山比我慕王郎爲種竹聊復爾夢到古潭側賦詩且志喜

孔雀山下訪曹鳳詔同至清涼寺

不雨不晴天氣佳一邱一壑思吾儕孔雀山前策欵段竹翠松陰影相亂停鞭已到長吟廬潺湲曲澗環階除老翁見客倒著屣呼兒煮酒更擊豕日長行飯前山村外夷古樹遮寺門百年人世閱流水此樹無情不枯死我心未得如汝頑清涼火聚都盡刪且去更酌草堂下輻輳賓朋遣永夏

楊生鼎修

從紀孝廉亦至

來時白雲在山腰歸及松月上林梢馬蹄

風生馬背穩鄰寺鐘聲一何遠

苦雨

雌雷奮迅驅雄風蟄龍竄出深潭中吸日蔽天作
靈雨欲將陸海連鴻濛玉屏山脚一曲水人道銀
川漾清泚無端竟沒青林梢三日驚濤勢不止葑
田蔀屋遊龜鼃順流屍骸紛紛過不雨冥頑兩拗
怒龍兮龍兮如汝何安得長人擁巨篲蕩蕩雲車
整日轡免教竈釜生蛙魚我自高歌汝自睡

有婦人攜一子一女死於中川河水中聞而

悲之

西遊草

毛

長鬣巨鼈何冥頑恣睢濁浪洪濤間簸弄風雷竊
天柄丈人不敢陳天關貧媪攜家傍水住門前剩
得禿楊樹孱男弱女嬉其旁晦暝無光日已暮嘉
然擊鼓聲逢逢藏頭露尾偏能雄兩兩嬌兒驚駭
走蹣跚直入堂室中老媪見之面土色異類從來
蔑道德左手携男呼蒼天女携右手避不得須臾
漂泊東岸頭市人望見心恹恹媪身已死心不死
爪透兒背雙淚流我無仙人斬蛟劍血濺長川水
赤染支祈鎖紐思禹功萬古安瀾拯昏墊作詩紀
異且志哀誰爲里正收遺骸聞道龍街板橋側人

家無數西流來

望御筆山

翠巘青巒隱夕曛城頭不獨鄣將軍揮毫曾作登樓賦授簡誰爲告嶽文無水似池堪洗墨此山如筆可凌雲九天宮殿開言路直諫書成早上聞

見月 六月十四日夜

暮雨朝雲掩日輪愁霖屬和已經旬若教今夕無明月何異前年別故人千里清光原不減三更彩色却生新相煩去照逃竄屋恐有哀聲動四鄰

羅孝廉招飲病不能赴用和來詩

西遊草

天

稻黃梧碧擁高樓柳葉槐花事事幽似此村居真亦愛如今客路復何求不因招飲還相過豈謂吟詩只自愁陰雨兼旬明月少一尊良夜待新秋

孝廉詩來疑疾爲假再答一章卽步元韻

青山長倚枕不爲聽泉聲鬼物先秋厲愁心趁夏晴高樓殘月夢遠寺晚鐘情來日差強健從君一死生

題南詔野史後

中原爭篡日遜國見南夷此事足千古其名非一時最憐封建廢屢辱帝王師冤鬼年年哭酸眸德

化碑

畫斧真人度南隅
段繼蒙君臣雖草草
學校不夢
夢逸少先師
悞羅皮聖廟同
詩歌有阿嵇
誰辨汝
雌雄

送吳華川司馬北上

星使乘槎見
天子寶氣光輝彩雲裏
江妃漢女歡相迎
水靜風平浪不起
送君春明門外去
九陌三條駭紅紫
龍飛虎拜君臣間
九重動容

百辟喜入則公卿列
槐棘出亦方伯
苦牧齒男兒
爲國能勤勞
殊錫恩榮匪異事
行矣勉之無夷猶

西遊草

完

婦子丁寧丈夫恥
似我嵯巖伏處不爲使君豈
到此歸時庭院梧葉深
來憶桃花漲溪水咫尺相
思且入夢一別明朝又萬里

憶潭西草堂

此日潭西路平疇
送晚涼孫能羞入市母亦樂居
鄉種竹知多少
栽松憶短長
不甘秋作客
歸趁稻花香

將歸語諸生

涉水登山各有求
南轅北轍枉懷憂
文章亦自成
千古科目原非第一流
脫畧窮通旋面目
分明人

鬼過關頭我於此道全無似歸去諸君不可留

趙來軒邀入龍泉寺

連雲帶雨入山椒錦障泥新馬不驕落落烟霞橫
古寺森森松竹閱前朝羣仙抗手發長嘯半日清
談舒瘦腰玉液瓊波無分飲歸來躑躅過溪橋

棄婦

東家有棄婦下堂今七年雖無好顏色不忍終相
捐香車再迎返寶鏡施粉鉛磐石既不固葦絲難
爲堅中道長跪問夫君何復然我昔被驅遣禮義
誠無愆恩情幸不斷缺月望重圓覩雜孔翠巧

西遊草

三

笑調絲絃謝君明璫贈伉儷希曲全西鄰窈窕女
防身如水淵聞之長太息嗟此時世賢鴛鴦不獨
宿鴻雁時孤鶩芳草一臭味直木無夢延汝昔見
棄夕姓字形詩篇見棄猶自可不棄惟汝憐香塵
逐寶馬風暖桃花鮮桃花不言語棄婦何嬋娟

廐馬

黃金買廐馬白金買鞍轡騎向長安路折斷珊瑚
鞭汝材自無用王道原平平放汝歸田野低頸長
遷延鄰家有白衛身價能幾錢一鳴驚人耳再鳴
凌蒼烟坐令伏櫪驥淚下如湧泉

過羅孝廉

與君論劍術白日影沉沉兒女恩仇事丈夫慷慨
心未甘忘一諾何計壽千金易水經過日悲來不
自禁

海燕行爲劉節婦

節婦羅氏孝廉從妹也

不聞鳳凰鳴歸昌但聞鴝鵒鳴屋梁海燕參差忽
失侶孤雌不忍雙飛翔自謂巢居莫予侮雛燕長
成持門戶啣泥短楮空辛勤不得晏然處環堵鴝
鵒朝過欽鴉家輪輪撇撇紛喧譁暮向荒山媚野
獍孤燕聞之長咨嗟在地願爲望夫石野火炎炎
碎青碧在天願爲望夫雲烈烈狂飈競辟易明月
海水深湛湛照見孤燕千秋心鴝鵒鴝鵒爾何物
鳳凰下止西山岑

郡齋池蓮一花二色異而賦之

闌干低亞影婷婷絕代風流見尹邢好是玉人明
月夜香肩並倚水晶屏
連莖並蒂好風光遽此多情巧樣粧打起池塘雙
白鷺花間待浴錦鴛鴦

送客過羅孝廉

山雲斷處見義輪北望環江是去津我自思歸偏

不得長亭又作送行人

野鷺羣飛逐稻梁先秋刈穫隴雲黃豐年宿釀隨時有不識還來醉幾場

羅孝廉和前詩復疊元韻留行另韻答之卽

以告別

北燕東岱壯遊時十載相忘久別離漸識鄉園風景好出門先已計歸期

治平第一是吳公與我論交有古風便到玉屏山頂住紗窻五見月如弓

白髮門閭倚望情曾孫扶杖送西行而今應記臨

西遊草

三

岐語歸及中秋月正明

人間天上共桑麻日飲醇醪不用賒避俗仙源真得路漁郎祇是欲歸家

將歸戲作寄李向宸

去歲君家菊影下有客悲秋索琰竽此客今年開南遊酒後何人最風雅不知底事長相思生憎伏兩行遲遲滿地黃金落不盡東門報道歸來時

月夜過羅象坤

月色江聲已是秋橋邊突兀憶高樓疎林細路獨來慣野館殘雲同賦愁滿地蘭蓀宜作珮幾羣鸚

鷓不名洲情知別後思今夕山水登臨怯遠遊

答程華川留別

秋到長江穩放船青門立馬杏花天臣持漢節無
三載客奏雄文又幾篇回首應憐籠鶴處繫心不
忘獻鳩年君王若問南中事莫道風行是偶然

答華川留題郡齋

坐嘯澗滄水一涯政成名已上天家千林雉雉
無驚鏃衆穴魚肥不繫槎入幕客都能種石在官
人亦學栽花竹枝風調流傳遠去聽清歌遍夔巴
頃與華川戲言同舟北上華川有詩謙舉過

西遊草

三

甚因酬一章

舊日龔黃輩風流有此不江神迎大扁山鬼匿清
秋遠舉雲中鶴閒眠水上鷗窮廬嗤野老不得嘯
船頭

和司馬交篆後公寓得詩四首元韻

南徼分銅竹春光澹沲初瀾滄今渡虎章貢昔懸
魚吏散獨醜酒客來同曝書故應長自詡風雅最
憐余

官如魚兔得本不繫筌蹄問富數驄馬知雄麀介
鷄詩成江月小睡足嶺雲低蒙樂優游處題名重

迤西

自識青氈舊何知皂蓋尊育材先伏驥省俗及孤
豚再見文爲守重教賈字孫蕭然休沐日別館似
荒村

作郡慙迎送恐妨高臥時忽瞻黃相節却下董生
帷束帛微循吏飛帆別故知猿聲三峽落秋老晚
風吹

續和一首

公寓與土知府陶宅相望

東望高門第蠻夷世長官荒山餘氣象喬木就凋
殘戰伐前朝重優容 聖代寬 昇平思報

西遊草

三

國不在據雕鞍

諸生祖餞圓通寺留別

半載離庭闈歸心疾似箭鷄鳴戒徒御陰晴未暇
辨秋氣久蕭森條然蛟龍戰微風不散雨俄頃遍
郊甸行者安泥塗送者多繆繆長橋繫客馬短亭
設祖餞同依井鬼分相思終相見不如牛與女盈
盈目空眩遲遲昔遊處松竹影交亂醉寢同有夢
輾轉思千變始夢在鄉園忽忽又他縣夢醒酒亦
醒雨深梵王殿行矣山鳥啼勉哉力擇善

再賦一首用楊生鼎修韻

便當千里別不敢望朝晴竹露短衫濕松風高笠
輕少年鞭共著岐路酒同傾遙看前山上濃雲傍
馬生

八月十七日自景東歸夜坐豆含章訓導齋

中同吳訓導

門前積雨漲清池去憶垂楊折一枝遠道獨來秋
興後故人相對月明時鄉園喜有平安信山水慚
無絕妙辭笑索囊中靈藥物恐妨衰老鬢如絲

同金門過慰勿軒適竹溪亦至

歸來皂帽憶遼東一夕商聲怨未終早占才名宜

西遊草

三

見忌兼無媚骨豈能同稽康枉作絕交語李白空
餘懷古風不似仙人真得意清宵有夢玉堂中

聞勿軒談陽暮山新洞之勝慕而有作

荆杞蒙籠時雲烟杳靄處不知何代人曾識洞中
路大造固有私此理靜可悟探竒莫憚險記取洞
口樹

和勿軒采菱見懷

銅鏡鑄菱花照見愁人影寒塘涉秋水菱子滿笭
箸菱子今已稀愁人在他境相思如咫尺欲寄北
山嶺長憶秋風初晨昏相造請感君愈行役攜籠

屢引領歸來薦玉盤飽食今夜永

抱孫

微生亦多幸遭逢

明盛時鄉里無兵革邱園

得委蛇睡起開窗牖朝陽到緇帷羊裘不掩脛盎
然和氣滋仲孫已八齡魯鈍無壯思詎謀愧不穀
略使吟風詩叔孫纔四月抱之相戲嬉泣笑俱可
受苦被掇微髭庭前梧桐樹乾雀依南枝弱禽各
有托飛鳴聽所之貴賤不可必出處皆可爲分甘
少小事壯盛崇令儀明德懷先子邁祖同所期

黃葉樹下同金門憶勿軒

西遊草

美

吾友住城東相思趁朔風同吟黃葉樹共笑白頭
翁豪氣隨詩減衰顏佐酒紅少年何處醉落日半

江楓

約友人出遊

憂虞兼疾疾無地著心思黃葉新辭樹青山舊欠
詩杖藜嫌老迫酌酒笑貧遲石徑雲深處相招晚
翠時

偶題

青山何處可憑欄落木陰中夕月寒白髮自憐今
種種猶爲一怒欲衝冠

東友

經旬杖履出西城便覺庭前路欲生紅樹青山應
念我蒼烟白日自懷卿高車不下新交態短榻猶
懸舊友情爲問孟勞今在否匣中曾與聽龍鳴

聞犬

紅紫花間鳥亂鳴鄉村桴鼓夜無聲不知今是昇
平世猶向街前吠月明

夢遊華山

古墓荒林白日光仙宮羽客坐焚香入門醉問登
山路笑指青峯入渺茫

西遊草

七

潭西草堂

避客卽潭西浮雲入望低雜花穿曲徑亂石澗清
溪斷劍埋無用殘書理不齊適然貪午睡豈復惱
鄰鷄

忘機如此處俗客不相聞隔岸多紅葉前山有白
雲日長同閨歲月好到宵分偶檢詩筒在愴然念
舊羣

東西二潭水青白稱嘉名玉向石根潤珠從沙際
明茶甌同不厭瓜圃並無爭好事慚鴻漸空歌濯
足纓

醉臥忘歸去高春始啟門飲茶分水脈劇石泄雲
根犬任花間吠鷄憑樹底喧客來皆舊好不用更
踰垣

潭西聞雁

粼粼積石出清溪蠶豆花開燕麥齊紅樹山深無
客到一聲白雁過潭西

出遊

禪心酒味總堪逃排遣雲烟興亦豪山杏紅梅都
未放出城先看野櫻桃

悟一草亭見梅花

西遊草

笑

老樹繁花照水濱孤村寂寂似無鄰歸來笑索寒
簷下已放南枝第一春

十二月末得華川九日姚州道中寄詩依韻

奉答并寄象坤

籜冠秋雨獨歸來腹轉車輪日幾回不耐寄書遲
似雁梅花已及雪中開
羨汝風騷調未孤有人相從把菜萸鄉園不乏佳
山水半似黃公賣酒壚



索